



## Sud Bosne i Hercegovine

## Суд Босне и Херцеговине

Broj: Su-08-20/21

Datum: 24.02.2021. godine

Na osnovu člana 64. stav (1) tačka b) i člana 70 stav 1., 3. i 6. Zakona o javnim nabavkama ("Službeni glasnik BiH", broj 39/14) i člana 1. Poslovnika o radu Suda Bosne i Hercegovine („Službeni glasnik BiH“, broj: 82/05, 60/11 i 25/17) na preporuku Stalne komisije za javne nabavke Suda BiH broj: Su-08-19/21 od 24.02.2021. godine u postupku javne nabavke usluge održavanje biro i računarske opreme za LOT 2 - Održavanje biro opreme Xerox, HP, Lexmark, Brother i rezervni dijelovi – 50310000-1, donosim,

**ODLUKU**

o izboru najpovoljnijeg ponuđača za nabavku usluge održavanje biro i računarske opreme  
**LOT 2 - Održavanje biro opreme Xerox, HP, Lexmark, Brother i rezervni dijelovi**

**član 1.**

Prihvata se preporuka Stalne komisije za javne nabavke Suda BiH (u daljem tekstu: Komisija), broj: Su-08-19/21 od 24.02.2021. godine te se Ugovor za javnu nabavku usluge održavanja biro i računarske opreme za **LOT 2 - održavanje biro opreme Xerox, HP, Lexmark, Brother i rezervni dijelovi** - oznaka i naziv iz JRJN: 50310000-1 (održavanje i popravak kancelarijskih mašina), dodjeljuje ponuđaču „**FACIT**“ d.o.o. Sarajevo, sa sjedištem na adresi Dr. Kasima Begića 23, sa ponudom broj: 210217-01/AB od 17.02.2021. godine i nakon sprovedene e-aukcije za ponuđenu cijenu u iznosu od **5.420,00 KM** bez PDV-a.

**član 2.**

Ugovor o nabavci dostaviti će se na potpis izabranom ponuđaču „**FACIT**“ d.o.o. Sarajevo po protcku roka od 15 dana računajući od dana kada su svi ponuđači obavješteni o izboru najpovoljnije ponude.

**član 3.**

Ova odluka objavljuje se na internetskoj stranici Suda BiH. Komisija za javne nabavke uputiti će obavještenje ponuđačima koji su učestvovali u postupku u skladu sa članom 70. stav (6) Zakona o javnim nabavkama.

**član 4.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke u skladu sa članom 71. stav (2) Zakona o javnim nabavkama.

## Obrazloženje

Postupak javne nabavke pokrenut je Odlukom o pokretanju postupka javne nabavke usluge održavanja biro i računarske opreme i rezervnih dijelova po lotovima broj: Su-08-02/21 od 27.01.2021. godine. Javna nabavka je provedena putem otvorenog postupka po lotovima broj: Su-08-08/21, a procijenjena ukupna vrijednost javne nabavke za LOT 2 - Održavanje biro opreme Xerox, HP, Lexmark, Brother i rezervni dijelovi je 6.800,00 KM bez PDV-a za jednu godinu, odnosno ukupno za 2 godine 13.600,00 KM bez PDV-a (zaključuje se okvirni sporazum na 2 godine). Obavještenje o nabavci objavljeno je na portalu javnih nabavki pod brojem 243-1-2-3-3-1/21 od 27.01.2021. godine sa tenderskom dokumentacijom. Komisija je rukovodiocu ugovornog organa dostavila Zapisnik o pregledu i ocjeni ponuda i prijedlog o izboru najpovoljnijeg ponuđača u postupku javne nabavke usluge za LOT 2 - održavanje biro opreme Xerox, HP, Lexmark, Brother i rezervni dijelovi. Komisija je blagovremeno i pravilno izvršila javno otvaranje ponuda dana 17.02.2021. godine i sačinila Zapisnik sa otvaranja ponuda koji je prosljeđen svim ponuđačima koji su učestvovali u postupku. Nakon otvaranja ponuda Komisija je pristupila ocjeni i poređenju ponuda te o tome sačinila odgovarajuće zapisnike u kojima je utvrđeno slijedeće; da su blagovremeno pristigle dvije (2) ponude (FACIT d.o.o. i ASPO RAIL d.o.o.); da nije bilo neblagovremeno zaprimljenih ponuda; i da su ponude ponuđača „FACIT“ d.o.o. i „ASPO RAIL“ d.o.o., ocijenjene prihvatljive u skladu sa tenderskom dokumentacijom.


Prema Odluci o obaveznoj primjeni preferencijalnog tretmana domaćeg („Službeni glasnik BiH“ broj: 34/20 od 16.06.2020. godine), prilikom obračuna cijena ponuda, u svrhu poređenja ponuda, potrebno je umanjiti cijene domaćih ponuda za preferencijalni faktor od 30% za ugovore koji se dodjeljuju u 2021. godini te prema navedenom, ponuđaču koji je dostavio potvrdu Vajskotrgovinske komore BiH (FACIT d.o.o. Sarajevo) prilikom poređenja ponuda biće umanjena cijena ponude za preferencijalni faktor.

Za ovaj postupak je predviđena elektronska aukcija (e-aukcija) koja je zakazana za 22.02.2021. godine sa početkom u 11.00 sati i trajanjem od 30 minuta. E-aukcija je počela dana 22.02.2021. godine u 11.00 sati i završena je u 11.44 sati. Ponuđači FACIT d.o.o. i ASPO RAIL d.o.o. su u toku e-aukcije podnosili nove cijene (nove ponude). Nakon završetka e-aukcije, kreiran je izvještaj o toku i završetku e-aukcije (početna i konačna rang lista ponuđača) i ponude su rangirane kako slijedi: prvorangirana je ponuda ponuđača FACIT d.o.o. sa ponudnom cijenom od 5.420,00\* KM bez PDV-a (\*prilikom poređenja, ponuda ovog ponuđača umanjena je za preferencijalni faktor od 30%), drugorangirana je ponuda ponuđača ASPO RAIL d.o.o. sa ponudnom cijenom od 3.800,00 KM bez PDV-a.

U postupku ocjene provedenog postupka, rukovodioc ugovornog organa nije našao nepravilnosti niti propuste u radu koji bi eventualno bili osnov za neprihvatanje preporuke Komisije. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama BiH, podzakonskim aktima, internim aktima i tenderskom dokumentacijom. Nakon okončanja e-aukcije nesporno je da je prvorangirani ponuđač „FACIT“ d.o.o. Sarajevo izabran primjenjujući kriterij najniže cijene koja je ponuđena u iznosu od **5.420,00 KM** bez PDV-a. Iz navedenih razloga, primjenom člana 64. stav (1) tačka b) najniža cijena Zakona o javnim nabavkama odlučeno je kao u dispozitivu.

### **POUKA O PRAVNOM LIJEKU:**

Ponuđač koji je učestvovao u postupku nadmetanja može radi zaštite svojih prava i pravnih interesa izjaviti žalbu ugovornom organu u roku od 10 (deset) dana od dana prijema ove odluke.



**PREDSJEDNIK SUDA**  
**Ranko Debevec**